



吳詩集覽卷九上

五言律詩二之上

高郵道中 天清一統志高郵州在揚州府北少東一百二十里以下赴 召時

途中

野宿菰蒲晚荒陂積雨痕湖長城入岸塔動樹浮村漁

出沙成路僧歸月在門牽船上瓜瓞吹火映籬根 此首是道

中晚景故用野宿起三四是道中所見五六將就宿矣結到野宿與起處合○鮑詩結茅野中宿菰蒲見塗松

晚發 李詩馬首迷荒陂王詩積雨空林烟火遲 一統志高郵湖在高郵州西北三里長濶一百五十里天

吳詩集覽 卷九上

長以東之水皆匯此湖達于運河 杜詩天濶樹浮秦 庚詩洞渚通沙路 賈閩仙詩僧敲月下門 南史

張融傳權牽小船于岸上住 一統志瓜洲壩在江都縣南瓜洲鎮又伊婁河在江都縣南二十里即瓜洲運河

也唐書地理志開元二十六年以州北隔江舟行繞瓜步回遠六十里乃于京口埭下直趨渡江二十里開伊

婁河二十五里渡揚子立埭 吹火 見夜泊漢口盧允言詩流水到籬根

其二

十里藕塘西浮圖插碧虛霜清見江楚山斷入淮徐水

驛難逢樹溪橋易換魚客程愁幾日已覺久無書 此首亦既

宿而追寫道中所見也結句入情○揚州府志蓮塘浦在興化縣東南接得勝湖即六十四蕩間所謂十里蓮

塘是也按宋史楊沂中傳與劉猷戰于藕塘大破之二統志藕塘鎮在鳳陽府定遠縣東非此詩所指 浮圖



見贈蒼雪張子壽詩華池澹碧虛皇甫茂政詩霜清

野翠濃統志揚州府戰國屬楚秦屬九江郡宋延

清詩崖口衆山斷按淮南安府徐徐州府唐書百官

志凡三十里有驛水驛有舟統志界首驛在高郵州

北六十里季文山詩無因一向

溪橋醉晁以道詩歲晚客程遙

顧瞻泰曰起句末一字本可仄住不必押韻若既用

平聲須與本韻相通或前人已叶入本韻者方可按

西字可叶支直先三韻不

入魚虞兩韻梅村偶誤耳

其三

曾設經年戍殘民早不堪柳營當午道水柵算丁男雪

滿防旗暗風傳戰鼓酣淮張空幕府樓艦隔江南此就道中

所見而追憶往事也午道丁男不減金荃集甲帳丁年

矣○經年見呈李太虛楊廉夫詩風物感殘民左傳

吳詩集覽

卷九上

二

桓二年民不堪命盧允言詩諸戎拜柳營史記楚世

家注一縱一橫爲午道陳書高祖紀軍至義興拔其

水柵丁男見松山哀楊炯詩雪暗凋旗畫風多雜鼓

聲廣韻防禦也明史張士誠傳小子九四泰州白駒

場亭人陷泰州據高郵自稱誠王元兵潰去淮東饑至

正十六年二月陷平江士誠自高郵來都之按平江路

今蘇州府幕府見遇劉雪舫南

其四

史王琳傳乃大營樓艦將圖義舉

斃社重來到人家出遠林種荷泥補屋放鴨柳成陰蝦

菜春江酒烟簑暮雨砧曹生留畫水三十六陂深原註高郵

有曹生畫水壁米元章極稱之其地有三十六陂此

詠現在之景三四承第二句說種荷放鴨皆遠林之人

家也五六漸引到自已身上結句亦已之所見較第三

首際節不同矣○統志斃社湖在高郵州西北狂

詩遠林暑氣薄又牽蘿補茅屋陸務觀詩雨泥看放鴨蝦菜見避亂應碩祝社文有肉如坻有酒如江鄭守愚詩烟篆春鈞靜揚州府志宋曹仁熙高郵人善畫水米元章畫史高郵寺壁水乃仁熙畫一筆長丈餘水勢分激如崩劃有聲世所寶惜蘇詩三十六陂春水白頭想見江南揚州府志高郵州七十二澗之水皆匯于三十六湖汪洋浩蕩方二三百里

清江閘

一統志清江閘在揚州府儀徵縣南三里運河上阮紫坪曰清江閘在淮安郡治之北二十七里爲運河咽喉舊屬山陽今新歸清河縣若儀徵之閘其形勢殊不足以當此詠也且就前後諸詩觀之梅村是由秦郵而北則此詩定指今之清江浦閘無疑一統志清江浦在山陽縣西北三十里舊爲沙河土名烏沙河自郡城東北入淮宋轉運使喬維岳開此直達清口明永樂初陳瑄重濬置閘更名清江浦爲水陸之孔道

吳詩集覽

卷九上

三

岸東穿流怒帆遲幾日程石高三板浸鼓急萬夫爭善事監河吏愁逢橫海兵原註時有事兩粵兵過海上我非名利客歲

晚肅宵征

首句形容入妙三四狀開之險五六就過關者言之大抵爲名利而宵征者也結句掉轉

說言近而旨遠矣○

程詩峽束滄江起帆遲詳補注

戰國策城之不沈者三板

徐津詩樓上風高笳

鼓急季詩萬夫莫開劉夢得詩日暮行人爭渡急後

漢書任延傳光武戒之曰善事上官莊子莊周家貧故

往貸粟于監河侯橫海見葺城行崔顥詩借問

路傍名利客程詩一卧滄江驚歲晚詩肅肅宵征

得廬山願雲師書

按梅村贈願雲師序願雲將遠遊廬嶽貽書別予是在遊廬山

以前此詩則正住廬山時也後又有喜願雲自廬山歸詩

絕頂誅茅處蒼崖怪瀑風書來飛鳥上僧出亂流中世

事千峯斷鄉心半偈空却將兄弟夢烟雨問江東起二句是

願雲住廬山三四從廬山寄書也第五句跟首二句說

第六句跟三四句說末二句又翻進一層言不為世事

鄉心寄書而為兄弟寄書也醒出得字意○杜詩會當

凌絕頂誅茅見九峯歌序 蒼崖見臨江參軍一統志

廬山漢陽峯之水西流為康王谷之谷簾泉東流為開

先寺之雙瀑 鮑詩亂流瀄大壑 千峯見西田詩

鄉心見送何省齋渾鑿經佛言我念過去作婆羅門在

雪山中修菩薩行時天帝釋即下試之自變其身作羅

刹像住菩薩前只說半偈 杜牧之詩南朝四百

八十寺多少樓臺烟雨中按九江府在江西故云

過姜給事如農 見東萊行按如農國變後流寓蘇

州自稱宣州老兵此詩自註迎母

會有兵變當在塗中過如農之寓所而非在蘇

州也次句點明淮海其在江北可知又東萊行

側重如須此詩側重如農各

因相值者而然非有軒輊也

侍從知名早蕭條淮海東思親當道梗原註如農迎母

會膠萊有兵亂

哭弟在途窮原註如須避

地没于吳下 骨肉悲歌裏君臣信史中翻

翻同榜客相對作衰翁 首句點明給事次句開出下文

為如農作贊末用自已伴說回映起句○侍從見東萊

行更記豫讓傳無所知名 書淮海惟揚州王詩每

逢佳節倍思親唐書李靖傳至長安道梗 蘇州府志

阮大鍼得志怨咳兄弟必欲殺之球避至嶽州咳變姓

名逃之寧波避跡台宕間之竹石山久之復俱來吳垓

年四十先塚卒哭途窮見行路難註 杜詩弟妹悲歌

裏乾坤醉眼中 韓致光詩莫負美名書信史 翻翻

見贈吳錦雯按梅村與如農俱辛未科陳于泰榜進士

晉書王導傳何至作楚

四相對衰翁見贈杜退之

遠路 蘇子卿詩征

夫懷遠路

吳詩集覽

卷九上

遠路猶兵後寒程况病餘裝綿妻子線致藥友人書晚

渡河津馬晨水驛舍車蕭條故園樹多負向山廬三四就對

面寫出遠字五六是正寫遠字也末二句反對遠字是

作詩本意○爾秀王焯詩病餘愁見遠山橫裝綿見

曉發後漢書楊厚傳有詔太醫致藥季楚望詩柳

拂中橋晚渡津陰子堅詩長望倚河津梁簡文帝詩

晨水照彩鸞范致能詩若比廳前荒驛舍杜詩故園

松桂發左太冲招隱詩經始東山廬果下自成樸

過東平故壘明史劉澤清傳封東平伯駐廬州

重鎮銅龍第雄邊珠虎牌柳穿驍騎箭花落美人釵有

客謀亡海無書勸正淮將軍留戰骨狼藉雒陽街此首與臨

淮老妓行相似但彼因遇老妓而作此因過故壘而作

有不同耳前半寫其分鎮驕淫後半寫其反覆取禍○

吳詩集覽卷九上五

杜詩重鎮還須濟世才我銅龍見雒陽行如飛廉白鶴

之類而用之鎮將俟考陸韓卿詩又點銅龍門唐書

兵志命李德裕立雄邊之軍張思廉詩吐蕃老帥西南

來虎頭不挂三珠牌戰國策養由基去柳葉百步而

射之百發百中漢書高帝紀北貉燕人來致梟騎廣韻

梟與驍通季詩螻蛄美人釵晉書孫恩傳知劉牢

之已濟江曰孤不差走矣乃虜男女二十餘萬口一時

逃入海又伏滔傳以淮南屢叛者論二篇名曰正淮

戰骨見蟋蟀盆歌狼藉見松鼠後漢書注洛陽二

十四街澤清傳揚州告急命澤清等往援而澤清已潛

謀輸款矣大清

惡其反覆磔殺之

旅泊書懷梁元帝詩旅泊依村樹

已遇江南雪須防濟北冰扁舟寒對酒獨客夜挑燈流

落書千卷清羸米半升徵車何用急慚愧是無能前四句旅

泊後四句書懷曰已過日須防時猶未至濟北也○楊士奇詩河上交水未江南下雪無一統志泰安府漢初屬濟北國對酒見讚佛詩王詩獨在異鄉爲異客挑燈見後東臯歌荊州記小西山石穴中有書千卷按羸應作羸說文羸瘦也嚴子羽詩藥補清羸疾晉書宣帝紀諸葛公食可幾米對曰三四升後漢書逸民傳論旌帛蒲車之所徵責相望於巖中矣

黃東崖贈梅村詩徵書鄭重眠殮損乃第六句注脚也

黃河

原註金龍口決河從北入海清江宿遷水勢稍緩皆起新沙天清會典順治九年黃河決大王廟一統志宿遷縣在徐州府城東一百里

白浪日崔嵬魚龍亦壯哉河聲天上改地脈水中來潮

落神鴉廟沙平戲馬臺滄桑今古事戰鼓不須哀

起二句總

吳詩集覽卷九上

六

寫河決水勢三四河從北入海五六是清江宿遷水緩起沙也結句拓開一步○白浪見鴛湖曲崔嵬見行路難其七魚龍見觀打水詞宋延清詩仙遊實壯哉

羣端已詩夢逐河聲出禹門李詩黃河之水天上來史記蒙恬傳此其中不能無絕地脈哉潮落見贈

吳錦雯杜詩迎權舞神鴉范致能吳船錄神女廟前有馴鴉客舟將來則迂于數里外舟過亦送數里土人謂

之神鴉按神鴉楚江甘寧廟洞窟君山巫峽神女廟并有之見筠廊偶筆一統志戲馬臺在徐州府銅

山縣南滄桑見海戶曲注戰鼓見東萊行

桃源縣

原註在黃河南去淮陽八十里一統志桃源縣在淮安府西一百二十里

豈有秦人住何來浪得名山中難避地河上得孤城桃

柳誰曾植桑麻近可耕君看問津處烽火只縱橫

此首借桃

源以興感也○淵明桃花源記先世避秦時亂率妻子邑人來此楊誠齋茶詩頭綱別樣建溪春小壁蒼龍

浪得名詩河上乎逍遙
又有頁田美池桑竹之屬桃花源記忽逢桃花林
見聞又後遂無問津者烽火

州行

膠州

原註時有兵變 一統志膠州在萊州府城南二百二十里 又徐大用奉天人以叅議道

分守萊州順治十年膠州總兵官海時行素驍蹇奉調南征大用監其軍時行疾兵為逆逼大

用同入海不從遂遇害

將已三年憊兵須六郡豪一時緣調遣平昔濫旌旄後

顧憂輜重前軍敢遁逃只今宜早擊都護莫辭勞

此首以早

擊為主首二句言師已老兵須練也三句指時行奉調南征四句追論其濫充總兵官也五六言時行率戀輜重勢難遠竄引出宜早擊意結句點醒直告伐叛者前首桃源縣後列白洋河蓋梅村在途而憂膠州之亂

吳詩集覽

卷九上

七

者非其時已到膠州也公羊傳甚矣憊漢書地理志注六郡謂隴西天水安定北地上郡西河梁簡文帝

七屬五陵金穴六郡豪家 宋史理宗紀詔選精銳赴京調遣 旌旄見避亂 元詩後顧前瞻高樹枝 史記

淮陰侯傳從間道絕其輜重 杜詩前軍落大星遁逃見松鼠 早擊見松鼠 都護見行路難 岑參詩留帶

莫辭勞

白洋河

原註在淮安西北膠州叛兵從此過河時已收縛 一統志白洋河在桃源縣西六

十里白洋鎮接宿遷縣界 卽潼水之下流也今涸

膠海愁難定孫恩戰艦多却聞挑白馬此處渡黃河一

戰收豺虎千軍唱橐駝淮西兒女笑溟渤亦安波

前四句追

叙膠州之亂後半喜已收縛 一統志膠州有古鎮麻灣守風灣唐家灣諸海口 晉書孫恩傳琅邪人孫秀

之族也世奉五斗米道衆惑之就海中資給恩聚合亡命戰艦見茸城行据地志黎陽津一名白馬津在滑州白馬縣北三十里一統志白馬故城在衛輝府滑縣東二十里古黃河東經故胖城縣北其北岸則新鄉汲縣又東北至濬縣西南其南岸則滑縣北曰黎陽津南曰白馬津河防志桃源縣黃河南岸上白洋河接宿遷縣界豹虎見哭志衍杜詩筆陣橫掃千人軍素駝見鐵獅歌梁書曹景宗傳去時兒女悲驕平淮西碑蔡之婦女迎門笑語一統志渤海故城在武定府濱州東北亭典溟海也劉孝綽詩安波似未流

過古城謁三義廟

原註去桃源八十里爲石崇鎮下邳所築非三國時古城也土

人以傳訛立廟傳奇有桃園結義耳食附會幾以爲真矣一統志古城在桃源縣西北六十里明置古城巡司晉書石崇傳字季倫出爲征虜將軍假節監徐州諸軍事鎮下邳一統志下邳故城在徐州府邳州東南又有一小城周三百七十步晉征虜將軍石崇所築史記六國

吳詩集覽

卷九

八

年表此與以耳食無異又袁盎傳贊雖不好學亦善傳會按陸士衡漢功臣頌作附會按明史地理志桃源元曰桃園洪武初更名西北有古城巡檢司東有三義鎮巡檢司則其附會舊矣

廟貌高原古村巫薦白蘋河山雖兩地兄弟只三人舊

俗傳香火殘碑誤鬼神普天皆漢土何必史書真

此首以不

辨爲辨隨筆戲成也○諸葛孔明黃陵廟碑廟貌廢去使人嘆息羽獵賦相與列乎高原之上范致能詩村巫橫索錢左傳隱三年蘋蘩蕓藻之菜可薦于鬼神杜詩舊俗存祠廟空山泣鬼神百詩思結空門香火緣殘碑見讚佛詩禮劫則左史書之言則右史書之

項王廟

原註在宿遷項王下相人卽其地

救趙非無算坑秦亦有名情深存魯沛氣盛失韓彭垓

下雖難逝江東劍不成凄涼思書錦遺恨在彭城

此首總括

羽紀情深句人能言之氣盛句罕言之者至失彭則絕無有言之者矣是特開生面處○按救趙指項王引兵渡河殺蘇角虜王離事非無算指趙舉而秦疆何敵之承數語也

更記項羽紀楚軍夜擊阬秦卒二十餘萬人新安城南又高祖紀乃立季為沛公又羽紀項羽為魯公又為高祖置太公其上告漢王曰今不急下吾烹太公漢王曰吾與項羽俱北面受命懷王曰約為兄弟云云項羽因從項伯之諫釋太公

漢書韓信傳信數以策干項羽羽弗用信亡楚歸漢又彭越傳項籍入關越眾萬餘人無所屬漢乃使人賜越將軍印

羽紀項王軍壁垓下自為詩曰時不利兮騅不逝更記正義垓下在亳州宜源縣東十里一統志歸德府表鹿邑縣唐真源縣

羽紀縱江東父老憐而王我我何面目見之又去學劍又不成項梁怒之

又富貴不歸故鄉如衣繡夜行又項王自立為西楚霸王王九郡都彭城

杜詩遺恨失吞吳一統志彭城故城即今徐州府治

吳詩集覽

卷九

九

過南旺謁分水龍王廟

一統志南旺湖在兗州府汶上縣西南三十五里分

水龍王廟在南旺湖上運河西岸

鱗甲往來中靈竒奪禹功平分泰山雨兩使濟河風岸

似黃牛斷流疑白馬通始知青海上不必盡朝東

首句五字

寫出靈竒恰是南旺分水龍王廟也三四近景五六遠比結句翻空入妙悠然意遠○杜詩石鱗鱗甲動秋風

高季廸詩靈竒務窮蒐陳伯玉詩深山尚禹功况

惟泰山爾一統志今大清河即濟水故道自汶上縣北出至東平州西安山開又西北與運河分流經東阿

平陰長清齊河歷城而會于灤水即小清河也又北經臨邑惠民濱州利津而入于海

後赤壁賦斷岸千尺黃牛見送志行白馬見送徐次桓按黃牛白馬屬對本杜書海岱惟青州

又江漢朝宗于海按一統志

汶水自東而來由分水龍王廟前南北分流入
運所謂分水口也此詩末句卽南北分流之意

貼切中有渾成之妙尤展
成亦賦此題不及吳作矣

送天台何石湖之官臨晉兼簡蒲州道嚴方公統

志天台縣在台州府西北九十里臨晉縣在蒲
州府東北七十里河東道駐蒲州府山西通志

分守河東道嚴正矩湖廣孝感人進士順治十
年任又臨晉縣知縣何紘度台州臨海人進士

順治十一年任湖廣通志正矩字方公崇禎癸
未進士順治初授嘉興推官歷戶部左侍郎致

仕自此首以下皆梅
村應召入京後作

山色界諸盤河流天際看孤城當古渡絕岸入王官社

鼓堯祠近鄉書禹穴難若逢嚴夫子爲報故人安前四句是

吳詩集覽卷九上

十

之官時途中所見五句臨晉六句天台七八兼簡方公

○山色見書蘭曲一統志八盤山在蒲州府永濟縣南
二十里山西通志臨晉縣黃河在縣西二十里天際

見送施愚山王詩荒城臨古渡山西通志王官谷
在蒲州府虞鄉縣東南十里司空表聖山居記有谷之

名本以王官廢壘在其側馬臻字志道詩日午諸村
社鼓喧元和志堯廟在平陽府臨汾縣東八里揭曼

碩詩鄉書迷楚越禹穴見謁伯成漢書司馬相如傳
注師古曰嚴忌本姓莊當時尊尚號曰夫子史家避漢

明帝諱故遂爲嚴耳按方公梅村丙子所取士也而借
用夫子字蓋此詩
本爲石湖作地耳

送紀伯紫往太原臧舊集補傳紀映鍾字伯紫一
字伯子號蕙叟自稱鍾山遺老

江南上元人移居儀真一統
志太原府至京一千二百里

不識盧從事能添幕府雄河穿高關塞山壓晉陽宮霜

積三闕樹秋原萬馬風相依劉越石清嘯戍樓中此伯

晉幕而梅村送之也中四句寫太原首尾相應盧劉用

太原事○晉書盧諶傳劉琨以諶為主簿轉從事中郎

幕府見讀西臺記(水經河水東逕高闕南注陰山

下有長城長城之際連山刺天其中斷望若闕然故

有高闕之名也(一統志黃河在吳喇忒旗南五十里又

東流折而南又東南流入歸化城土默特界史記匈奴

傳趙武靈王自代并陰山至高闕為塞綱目質實高闕

塞在大同府城西北四百二十里(一統志嬰山在太

原縣西北三里蒙山在太原縣西北五里晉陽宮在太

原縣北按一統志自澤潞以北達于大同東境皆太行

山梅村此句仍指太行山非指嬰蒙也魏書地形志武

定初齊獻武王置晉陽宮(元和志晉陽宮在并州城內

唐書地理志晉陽宮在北都之西北(劉蒞靈詩兼葭

霜積雁初迴(明統志)倒馬紫荆偏頭為三關按倒馬關

在廣昌縣南七十里紫荆關在易州西偏頭關即偏關

縣屬山西寧武府(李重規詩總轡臨秋原萬馬見雁

吳詩集覽卷九上

門尚書行晉書劉琨傳字越石在晉陽嘗為胡騎所

圍數重城中窘迫無計琨乃乘月登樓清嘯賊聞之皆

凄然長歎中夜奏胡笳賊又流涕歔歔向曉復

吹之賊並棄圍而走(梁元帝詩)江槎擁戍樓

其二

羨殺狂書記翩翩負令名軍知長揖貴客傲傲裘輕酒

肆傳呼醉毬場倒屣迎須看雁門守不及洛陽生此寫

主相得句句跟狂字說下○(後漢書)禰衡傳衡為作書

記翩翩見哭志衍注禮將為善思貽父母令名(漢

書汲黯傳)天以大將軍有揖客反不重耶(呂氏春秋

巫馬期短褐衣敝裘而往觀化于單父(酒肆見凌烟

閣圖傳呼見彈琴歌(毬場見哭志)衍(三國志)王粲傳

中郎將蔡邕聞粲在門倒屣迎之(後漢書)王符傳度

遼將軍皇甫規解官歸安定鄉人有貨得雁門太守者

亦去職還家書刺謁規臥不迎既入而問卿前在郡

食雁美乎有頃又白王符在門規素聞符名乃驚遽而起衣不及帶屣履出迎援符手而還與同坐極歡時人為之語曰徒見二千石不如一縫掖言書生道義之為貴也按符傳安定臨涇人而詩用洛陽潘皆山曰疑借賈誼以比紀也

其三

客舍同三子春風去住愁

原註三子韓聖秋胡彥遠及伯紫也時彥遠已先行

知為此別五月又并州榆莢催征騎榴花落御溝知君

分手意端不為封侯

首句言與三子同舍次句彥遠先行也三四伯紫又往太原矣五六

言春已欲去夏方成行夫遲遲而後別者非汲汲于名利也寫出伯紫身分○客舍見饜清湖感舊集補傳韓詩字聖秋號固菴陝西涇陽籍三原人官兵部職方司郎中杜詩去住損春心周禮正北曰并州西民

吳詩集覽

卷九上

七

月令二月榆莢成征騎見訪霍魯齋韓詩五月榴花照眼明御溝見青門曲沈休文詩分手易前期吏

記衛將軍傳官至封侯

其四

佐府偏多暇從容岸幘時詩成千騎待檄就百城知從

獵貪呼妓行邊快賭棊歸將出塞曲唱與五陵兒

此詩與第

二首相似然第二首承依劉越石來意注居停此首承分手意來意注伯紫且預囑歸興也○南史謝靈運傳以韻語序義慶州府僚佐謝元暉詩國小暇日多晉

書謝奕傳岸幘笑詠舌羅敷行東方千餘騎按千騎待暗用日試萬言倚馬可待語梁書樂藹傳可以為

百城表矣從獵見讚佛詩劉辰翁詞曾錦鞍呼妓金屋藏嬌宋史范育傳詔育行邊賭棊見送沈繹堂注

晉書樂志出塞入塞曲李延年造五陵兒見銀泉

送友人往宜定

〔一〕統志正定府在京師西南六百一十里

五月常山去溥沱雨過清賣漿無舊隱挾瑟有新聲

履叢臺客投戈熊耳兵如逢趙公子須重魯連生起句記時

與地三四懷古五六言人好客而時已清引起結句俱貼正定說○常山見雕橋莊歌溥沱見讀西臺記

更記信陵君傳公子聞趙有處士毛公藏於博徒薛公藏於賣漿家舌樂府相逢行作使郎鄆倡又挾瑟上

高堂新聲見琵琶行序〔蘇詩〕白葛烏紗曳履行〔一〕統志叢臺在廣平府鄆縣城東北後漢書樊準傳投

戈講藝息馬論道又劉盆子傳樊崇乃將盆子肉袒降積甲宜陽城西與熊耳山齊拔宜陽今屬河南府疑借

用〔更〕記魯連傳吾始以君為天下之賢公子也吾乃今然後知君非天下之賢公子也〔又〕新垣衍起再拜謝

吳詩集覽

卷九上

三

日始以先生為庸人吾乃今日知先生為天下之士也

送純祐兄浙中藩幕

純祐見贈穆大苑先注

散吏仍為客輕帆好過家但逢新種柳莫話久看花黃

閣交須舊青山道未賒獨嗟兄弟遠辛苦滯京華純祐後官

確山此時尚在京需次故曰散吏曰為客過家指往浙幕言但時世多輕前輩故囑以莫於新知前矜老宿也

又慰之曰京僚尚有舊交不至途窮惟兄弟相別為可念耳辛苦字有含蓄可抵得送何省齋一篇○後漢書

胡廣傳隨輩入郡為散吏〔杜〕詩輕帆好去便〔柳〕子厚詩種柳柳江邊看花見琵琶行〔白〕詩黃閣交夔

龍〔王〕詩瑤臺道路賒辛若見遇劉雪舫京華見贈陸生

一第添憔悴似君遭遇稀杜門先業廢乞祿壯心違歌

管移山棹湖光上客衣浪遊裝荷足叩我故園扉

前四句是

未赴浙以前之事後四句既赴浙以後之事結句預約

其婦也○唐書元結傳一第涸子爾 遭遇見贛西臺

記 更記商君傳公子虔杜門不出國語亦能纂修其

身以承先業 晉陽秋羅友以家貧乞祿 杜詩白首壯

心遠 鮑詩歌管為誰清按山棹謂傍山之舟 湖光

浪出遊 虞炎 詩方掩故園扉

其三

亦有湖山興棲遲減宦情官非遷吏傲客豈故侯輕粉

壁僧寮畫烟堤妓舫聲從容趨府罷斗酒聽流鶯

此寫純祐

吳詩集覽 卷九 上

古

遊興三四是散吏為客後半首是湖山興也○退之滕

王閣記而人自得于湖山千里之外 晉書阮裕傳吾

少無宦情 胡曾謝賜錢啟悉用豎儒皆除遷吏郭景

純詩漆園有傲吏 故侯見讀史雜詩 劉孝綽詩浮

光亂粉壁陸務觀詩屋窄似僧寮 韋端已詩依舊烟

籠十里堤高季迪詩湖中妓舫歇歌聲 舌羅敷行盈

盈公府步冉冉府中趨 高士傳戴顓春日携雙柑

斗酒人問何之答曰往聽黃鸝聲流鶯見鴛湖曲

其四

忽忽思陳事全家客剡中江山連暮雨身世隔殘虹高

館燃官燭清猿叫曉風一竿秋色裏踪跡媿漁翁

此寫浙幕

客况末句勸歸與其二同意○撰書梁孝王傳意忽忽

不樂爾亭詩序以為陳迹 一統志剡縣故城在紹興

府嵗縣西南 杜必簡詩日氣抱殘虹 高館見玉京

墓季詩官燭未曾燃 王詩石上聞清猿唐明皇詩雞

聲逐曉風
一魚竿
漁翁見題代筮

曹秋岳龔芝麓分韻贈趙友沂得江州書三字

曹龔

並見七言古
白詩素壁聯題分韻句趙友沂
詳哭趙友沂梅村七律有送友沂下第南歸一
首與此蓋一時作也其一云浪跡愁偏劇其二
云不須身貴早其三云不遇却難留意可見矣

策馬高原去烟鴻仰視雙疎鐘穿落木殘日動寒江浪

跡愁偏劇孤懷俠未降舊交相見罷沽酒話南牕

此預寫友

沂歸去之事策馬高原初入歸途仰視雙鴻亦高飛冥冥之物也三四寫景五六寫情結句預言南中舊交相見正是寫京中舊交相送也用意深一步○高原見過右城唐太宗詩迷路飛烟鴻後漢書馬援傳仰視飛鳶王詩秋雨聞疎鐘落木見送何省齋陳季常詩籬落映殘日杜詩寒江動碧虛浪跡見楚兩生行序

吳詩集覽

卷九上

五

陸務觀詩戩歲愁雖劇孟東野詩孤懷吐明月韓詩劉生俠氣老不除史記吳世家季札使於鄭見子產如舊交歸去來辭倚南窓以寄傲

其二

誰識三公子蕭條下澤車門高輕仕宦才大狎樵漁黃

葉窮幽興青山出異書不須身貴早千騎上頭居

此首作慰

藉之詞起二句言不遇而歸三四卽孤懷俠未降意五六寫歸去之樂結句醒出仍回應三公子也○晉書高密王泰傳不識者不知其王公也漢書杜延年傳延年三公子後漢書馬援傳乘下澤車注行澤者欲短轂短轂則利門高見贈文園公史記平準書市井之子孫不得仕宦為吏杜詩何處狎樵漁易林隕其黃葉杜詩平生為幽興吳書見汲古閣歌中郎注杜詩身貴不足論舌詩東方千餘騎夫婿居上頭

已歸仍是客不遇却難留更作異鄉別倍添游子愁風
霜遠北土兵甲阻西州一雁低飛急關河萬里秋此首筆勢

飛騰無一平行語言進退兩難之際在京話別倍添友
沂之愁也五句是不遇難留六句是已歸仍客結句則
異鄉之別游子之愁蒼茫無盡○更記李將軍傳惜乎
子不遇時庾詩誰言舊國人到在他鄉別游子見

送何省齋風霜見遣問其二左傳昭四年冀之北土

馬之所生一統志西州城在江寧府上元縣西晉揚

州刺史治所字山哀江

南賦蘇武之一雁空飛友沂生於長沙隨父洞門寄籍江都故此云遠北土

阻西州七律云最是淮南遇播落哭友沂云太息賈
生歸未得湘花湘草夕陽邊也洞門
官至工部尚書故首句用三公子耳

吳詩集覽 卷九 上

共

病中別字令弟梅村壽錢臣辰序吾季弟字令

昨歲衝寒別蕭條北固樓關山重落木風雪又歸舟地

僻城鴉亂天長塞雁愁客程良不易何日到揚州昨歲

召字令於鎮江送別正衝寒木落時也鎮江在江南

揚州在江北故江樓別字令詩云雲山兩岸傷心裏明

日扁舟聽曉風時字令未到揚州及其來省京邸再見

木落而字令又欲歸矣城鴉塞雁如助別恨長途遙遙

何日到去歲送別之地乎纏綿悱惻情見乎辭○衝寒

見送穆大苑先北固見閨園序落木見送何省齋
注劉文房詩風雪夜歸人謝元暉詩天際識歸舟
地僻見磐清湖王詩城鴉拂曙烟老子天長地久李
後主詞塞雁高飛人未還晁補之詩
歲晚客程遙琴參詩何時到雍州

秋盡霜鐘急歸帆畏改風家貧殘雪裏門閉亂山中客

睡愁難熟鄉書喜漸通長年沽市酒宿火夜推篷

梅村作詩

每用透過一層兩層法如此詩預寫字令歸舟情事已透過一層矣殘雪亂山又是字令在舟中預思家裏則透過兩層也惟其有此思量是以難睡而愁又因近鄉而喜則當令舟子沽飲以消長夜也歸帆推篷首尾相應○霜鐘見退谷歌歸帆見山水圖歌杜必簡詩梅花落處疑殘雪亂山見穆苑先往桐廬杜詩客睡何曾着鄉書見送何石湖長年見送周子佩羣應物詩空林無宿火沈通理詩風雨夜推篷

其三

十日長安住何曾把酒尊病憐兄疆飯窮代女營婚別

我還歸去憐渠始出門往來幾半載辛苦不須論

字令到京

吳詩集覽

卷九上

七

為日無多適逢兄病代為營嫁何嘗有把酒之樂乎况值言歸而以初作客之人往來半載其辛苦更何如者意俱真摯○把酒見東萊行歸去來辭有酒盈尊史記外戚世家行矣疆飯勉之南史孝義傳吳翼之母丁氏同里陳壤孤單無親戚丁收養之及長為營婚娶陶有歸去來辭憐渠見課女辛苦見遇劉雪舫

其四

消息憑誰寄羈愁祇自哀逾時游子信到日老人開久

病吾猶在長途汝却回白頭驚起問新喜出京來

此首從老

父說言字令歸後方得確聞也○杜詩死去憑誰報

陳子良詩故鄉千里外何以慰羈愁游子見送何省

齋劉夢得詩不為老人開杜詩亂後嗟吾在又

不必取長途元詩垂死病中驚坐起杜詩失喜問

京華

其五

早達成何濟遭時信杪歡集作杪歡客游三月病世路一生

難憂患中年集形容老輩看相逢俱壯盛五十未為官

此首就自已說言老病交迫翻用五十服政語○甯史張纘傳時人以爲早達遭時見避亂張平子東京賦

慘則杪於歡魏文帝詩有似客遊世路見呈李太

虛世說謝太傅語王右軍曰中年傷於哀樂與親友別輒作數日惡杜詩江上形容吾獨老老輩見

題志衍畫曹孟德樂府壯盛智慧殊不再來

其六

此意無人識惟應父子知老猶經世亂健反覺兒衰萬

事愁何益浮名悔已遲北來三十口盡室更依誰疾痛慘怛

吳詩集覽卷九上

六

未嘗不呼父母也三四代父立言更爲直摯觀前首之

早達何濟此首之浮名自悔愈知五十未爲官是欣羨

他人非爲孚令作不遇賦也○百詩此意人不知杜

詩世亂遭飄蕩神仙傳漢武遣使者行河東忽見城

西有一女子笞一老翁使者怪問之曰此翁乃妾子也

昔吾舅氏伯山甫以神藥教妾妾教子服之不肯令遂

衰老行不及妾李詩歸隱謝浮名北來見遇

南廂圍叟杜詩兩京三十口盡室見送何省齋

似我真成誤歸從汝仲兄教兒勤識字事母學躬耕州

郡羞干請門庭簡送迎古人親在日絕意在虛名此示孚令

而兼示仲弟也三四以下兩弟俱在內絕意虛名是閱歷語○杜詩識字用心苦躬耕見汲古閣歌馮敬通自論復羈旅於州郡宋史陳白強傳任進干詩必諧價而後子史記李斯傳門庭車騎以千數晉書皇甫

謚傳吾送迎不出門 親在
見遣問 虛名見送何省齋

其八

老母營齋誦家貧只此心 飯僧餘白氎裝佛少黃金骨

肉情難盡闕 山思不禁楞 嚴經讀罷無語淚痕深 此專就母

氏說○陳書王元規傳築室屏居以禪誦為事 李文

山有飯僧詩梁書高昌國傳草實如鹽璽中絲如細縷

名為白氎子國人多取織以為布 杜詩光明白氎巾

後漢書天竺國傳明帝夢金人長丈餘頭有光明以問

羣臣或曰西方有神名曰佛其形丈六而黃金色 梅村

壽于太夫人序 吾母朱淑人精心事佛嘗於鄧尉山中

創構傑閣虔奉一大藏教而余之貧至使吾母伊蒲之

供出于損衣節食之所存 宋史藝文志首楞嚴經十

卷 杜必簡詩 淚痕銷夜燭

吳詩集覽 卷九 上

九

其九

寡妹無家苦拋離 又一年老親頰念此別語倍潸然性

弱孤難立門衰產易捐 獨留兄弟在中外 幾人憐 此專就寡

妹說而以老親立言厚望諸兄弟也想見梅村篤於同

氣○無家見避亂 高達夫詩霜鬢明朝又一年 詩

潛焉出涕 劉勰新論風之體虛水之性弱 南史王

華傳華宋世貴盛以門衰提携從弟琨恩若同生 世

說謝胡兒作何堪傳不識堪何似人容謝公謝公答曰

堪烈之子阮千里姨弟兄潘安仁中外安仁詩所謂子

親伊姑我 父性舅

其十

褲子稱奇俊 迎門笑語忙 挽鬚憐尚幼 摩頂喜堪狂 小

輩推能慧新年料已長吾家三萬卷付托在兒郎此專就教

子說概其語意非專指梅村諸子也○歸去來辭稚子候門北史儒林傳於是超擢奇儔厚賞諸儒退之平

淮西碑迎門笑語杜詩同事競挽鬚誰能即真喝

甫史徐陵傳陵年數歲寶誌摩其頂曰天上石麒麟也

杜詩漫卷詩書喜欲狂晉書謝安傳小兒輩遂已破

賊杜詩驚入新年語韓詩鄴侯家多書插架三萬

軸付托見讀史雜詩兒郎見詠山茶花

再寄三弟

按再寄者在乎今出京後也

拙宦真無計歸謀數口資海田人戰後山稻雨來時官

稅催應早鄉租送易遲荷鋤西舍叟憐我問歸期歸去來兮

田將蕪胡不歸是此詩註脚五六應字易字最用意○潘安仁閒居賦序岳嘗讀汲黯傳至司馬安四至九鄉

吳詩集覽 卷九 上

三

而良史書之以巧宦之曰未嘗不慨然廢書而歎曰嗟乎巧誠有之拙亦宜然無計見後東皐歌歐律詩海

田秋熟早湖水按此即蘆州行海畔老田之意非指麻姑東海田也山稻字出史記大宛傳陶詩帶月荷

鋤歸西舍見直溪吏李詩長安如夢裏何日是歸期

江南奏銷之案梅村亦受其累故催租之苦屢形吟詠此云官稅催應早鄉租送易遲急公恤佃兩得之

矣與其七州郡羞干請門庭簡送迎俱長者之言

其二

五畝山園勝春來客喚茶籬荒謀補竹溪冷課栽花石

迸墻根動松欹屋脚斜東莊租苟足修葺好歸家歸去來兮

園將蕪胡不歸是此詩註脚○杜詩山園細路高周子詠八哥詩客來可喚僕傳茶張如哉曰杜課伐木

詩序我有蕭籬是缺是補載伐篠簞伊仗支持溪冷見溪橋夜話元詩何事栽花誤世人袁伯長詩石迸根駢胸杜詩牆根菊花好溫飛卿詩松欹墮復掃狂臆崔氏草堂在東山可稱東莊則鞞川固可稱為西莊矣南史宋武帝紀
詔以來歲修葺庠序

別乎令十首止叙骨肉不及家事卽識字躬耕亦非求田問舍語也此兩首似乎一首求田一首問舍梅村胸中何以有此然首篇憐我問歸期次篇修葺好歸家已爲點晴蓋梅村宦興甚薄歸思甚切正與求田問舍一輩人相反卽看作農圃爲樂亦屬皮相詩人矣

再送王元照

元照見九友歌張如哉曰七言絕有送王元照還山詩八首與此同時作

此詩在後故曰再送非兩次送別也

行止頗難定裝輕忽戒塗望人離樹立征棹入雲呼野

吳詩集覽卷九上

色平沙雁朝光斷岸蘆此中蕭瑟意非爾不能圖

元照不羈

之士故以飛動之筆送之結句點染善畫意○王無功詩單舟戒輕裝采書宗室傳未及戒塗我望人指送行者以舟行之速故離樹而望也李巨山詩征棹三春暮杜詩稚子入雲呼賈闓仙詩過橋分野色我琴曲有平沙落雁狂詩朝光入窺闥後赤壁賦斷岸千尺陶詩此中有真意更記田儉傳贊無不善畫者莫能圖何哉王介甫詩佳哉子能圖

送孫令修游真定

今修正定皆已見

窮達非吾事霜林萬象凋北風吹大道別酒置河橋急

雪迴征雁低雲壓怒鵬曾爲燕趙客寥落在今朝

三四雄健

餘亦相稱令修曾爲長垣令故七句及之○法書要錄羊欣師資大令掾若嚴霜之林萬象見磬清湖吳叔

陸詩悲銜別時酒庚詩河橋獨舉觴在詩急雪舞回
風緒希明詩風嚴征雁遠庚詩陰雲斂向低米元章
詩不勝雄狐逐怒鵬錢仲文詩燕趙悲歌士長垣縣
志知縣孫以敬崇禎十七年任寥落見楚兩生行

吳詩集覽

卷九上

三

吳詩集覽卷九下

五言律詩三之下

送周子俶張青瑁往河南學使者幕

國朝詩別裁集張宸字

青瑁江南華亭人官部郎汪鈍翁序青瑁詩謂其長于臺閣體梅村先生推許之按梅村有送張編修督學河南詞此詩張壯武即其人也詳卷二十下

不第仍難去棲遲幕府游幾人推記室自古在中州置

酒龍門夜論文虎觀秋得依張壯武揮塵盡風流

此首已盡

題面又六首之破題也○唐書選舉志登第者加一階其不第則習業如初幕府見讀西臺記魏志王粲傳太祖并以陳琳阮瑀為司空軍謀祭酒管記室史記天官書衛殷中州河濟之間元和顧學潮小韓曰

吳詩集覽

卷九下

一

龍門用錢思公事聞見錄謝希深歐陽永叔官洛陽時同游嵩山自潁陽歸暮抵龍門香山雪作忽於烟靄中有策馬渡伊水來者既至乃錢相送厨傳歌妓至吏傳公言山行良勞當少留龍門賞雪府事簡無遽歸也一統志關塞山在洛陽縣南一名伊關山亦名龍門山晉後漢書章帝紀詔諸儒會白虎觀講議五經同異晉書張華傳進封壯武郡公居易錄今青州府諸城東二十里有壯武城是其地也按一統志壯武故城在萊州府卽墨縣西與史記正義合

歐陽永叔詩玉塵間揮白日光
二三用十字句法其源出於
毛詩我不敢傲我友自逸

其二

少室多奇士君尋到幾峰山深惟杖策雲盡却聞鐘文

字真詮近鬚眉道氣濃相貽書一卷歸敕葛陂龍

原註子俶

好道學使者職在校士故欲子似青瑀得奇士而賞異書也然中四句不言訪士而言尋山尋山又卽是訪士俱跟首句少室說下起結互映極風雨離合之奇○少室見王石谷畫漢書司馬遷傳自守奇士杖策見又詠古 羊士誇詩霧色朝雲盡聞鐘見闕園序文 字見二十五日詩權載之詩心冥卽眞詮 莊子水靜則明燭鬚眉季義山詩許塚全家道氣濃 陶詩冥報以相貽書一卷見贈吳錦雯 葛陵龍見龍腹竹歌

其三

二陸來江左三張入雒中賦誇梁苑雪歌起鄴臺風儉

父休輕笑吳儂雅自雄短衣頻貰酒射獵過城東

此舉中州

故事以贊子似青瑀○晉書陸機傳太康末與弟雲俱入洛張華曰伐吳之役利獲二俊 又張載字孟陽協字景陽九字季陽時人謂二陸入洛三張減價 梁苑見雪中遇獵謝惠連雪賦梁王不說遊於兔園 一統

吳詩集覽

卷九下

二

志三臺在臨漳縣西南鄴城內西北隅 儉父見廿五日詩 蘇詩語音猶是帶吳儂 李嘉祐詩論兵氣自雄 短衣見和西田韻貰酒見海戶 曲 高逵夫詩往來射獵西山頭

其四

誰失中原計經過廢壘高秋風向廣武夜雨宿成臯此

地關河險曾傳將士勞當時軍祭酒何不用吾曹

此就中州

而感慨懷古於餞送詩中別開生面用經過祭酒縮歸周張甲裏 三四向字宿字承經過說下廣武成臯承廢壘說下忽轉云廣武成臯可謂險矣而將士徒勞豈非幕府無人以致中原失計乎首尾又歸注周張與泛然殊古者不同○天戴禮是以慮無失計中原見贈蒼雪 杜詩幽棲地僻經過少廢壘見遇南廂園叟 史記項羽紀注於滎陽築兩城相對曰廣武 一統志河陰縣廣武山下卽楚漢戰處 又成臯故城在汜水縣西

北左傳隱元年制嚴邑也莊二十一年鄭伯定王室王與之武公之畧自虎牢以東一統志今汜水縣城卽故關城唐時移也霍顥詩河山北枕秦關險錢仲文詩黎庶翻慚將士勞軍祭酒見其一注後漢書百官志注官祭酒皆一位之元長者也古禮賓客得主人饌則老者一人舉酒以祭於地吾曹見避亂三四語自然入妙不由雕飾此詩品也

其五

極目銅駝陌宮牆噪晚鴉北邙空有骨南渡更無家青

史憐如意蒼生遇永嘉傷心譚往事愁見雒陽花此首淋漓

盡致而以極目談往收入周張甲裏是詩律細處○極目見蕩子失意行陸士衡洛陽記銅駝街在洛陽宮南

金馬門外劉夢得詩飛入宮牆不見人噪晚鴉見青門曲一統志北邙山在洛陽縣北事詳洛陽行南

吳詩集覽卷九下

渡見玉京彈琴歌青史見遣悶如意見洛陽行書

光天之下至于海隅蒼生通鑑晉懷帝諱熾字豐度武帝第二十五子也永嘉元年春正月癸丑大赦改元

范彥昇詩洛陽城東西長作經時別昔去雪如花今來花似雪

按第三句五句福王常洵第四句六句福世子由崧也

其六

河流天地盡白日待銷沉不謂斯文喪終存萬古心典

墳留太學鐘鼓起華林清維安瀾後遺編定可尋歸到典學

是六首結語也○王詩江流天地外楚辭費白日些

銷沉見葺城行宋史陳亮傳開拓萬古之心胸左傳昭十二年是能讀三墳五典後漢書蔡邕傳奏求正定六經文字靈帝許之邕乃自書冊於碑使工鐫刻立

於太學門外詩於論鼓鐘一統志華林園在故洛陽城中晉泰始四年幸華林園與羣臣宴射賦詩潘安仁籍田賦清雒濁渠引流激水二統志洛水出陝西商州流入河南盧氏縣境至鞏縣入大河四子講德論天下安瀾比屋可封高

達夫詩禹穴訪遺編
阮紫坪曰崇禎季年汴河之決中州文獻盡付洪波斯文喪蓋指此故以尋遺編結之

送湘陰沈旭輪謫判深州

一統志湘陰縣在長沙府北一百二十里深州

在京師西南六百一十二里蘇州府志沈以曦旭輪臨湘人順治二年任長洲縣知縣三年陞本府推官深州志沈以曦岳州府臨湘縣人前庚辰進士順治十一年由蘇州府推官謫任深州州判陞博興縣知縣按旭輪梅村丙子所取士也湘陰當作臨湘

謫宦經年待蹉跎忝忝此州猶然領從事未得比諸侯旅

吳詩集覽

卷九下

四

食沾微祿官塗托浪游却嫌持手板廳壁姓名留

前四句有

騰躍之勢在加出經年待一層後四句自如破竹矣○
枉詩謫宦兩悠然經年見呈李太虛 蹉跎見送何省齋
王詩若見州從事無嫌手板迎 王子安詩昌亭旅食年枉詩何日沾微祿 隋書劉炫傳由是官途不遂浪游見送純祐 周禮天官司書疏古有簡策以記事若在君前以笏記事後代用簿簿今手板 獨孤至之江州刺史廳壁記秦以後國化為郡史官廢職簡牘之制屢減記事者但用名氏歲月書于公堂而春秋牘杌存乎屋壁
其來舊矣

其二

月出瀟湘水思家正渺然不知西去信可上北來船故

舊憐除目妻孥笑俸錢免教烽火隔飄泊楚江邊

三四用十

字句亦不肯作平衍語。○瀟湘見歸雲洞。思家見訪
霍魯齋題承祐詩。獨上江樓思渺然。○雍國鈞詩。西去
經過欲一聞。北來見別孚。○姚合詩。一日看除日
子瞻表。妻孥之所竊笑。退之進學解。月費俸錢。烽
火見閬州行。飄泊見避亂。
其二李詩。天門中斷楚江開。

其三

此亦堪爲政無因。笑傲輕爾能高。治行世止薄科名。烟

井流移復春。苗斥鹵耕古來稱一尉。何必尚專城。

此首爲旭

輪作慰勉之詞。○退之柳子厚墓誌。子厚得柳州。旣至
嘆曰。是豈不足爲政耶。笑傲見閬園詩。漢書趙廣
漢傳。以治行尤異。遷京輔都尉。守京兆尹。王之詩。
御前曾取好科名。烟井見二十五日詩。流移見松山
哀。狂詩。隨意點春苗。說文鹵。鹹地。東方謂之斥。西方
謂之鹵。舊唐書。員半干傳。授武陟尉。發倉粟以給饑。

吳詩集覽

卷九

下

五

人懷州刺史郭齊宗大驚。因而按之時。黃門侍郎薛元
超爲河北道存撫使。謂齊宗曰。公百姓不能救之。而使
惠歸一尉。豈不愧也。
專城見礬清湖。

其四

豈不貪高卧。其如世路非。故園先業在。多難幾時歸。遇

事愁官長。逢人羨布衣。君看洞庭雁。日夜向南飛。

此首爲旭

輪作招隱也。無一平行之筆。○高卧見退谷歌。世路
見呈李太虛。先業見送純祐。多難見送王子彥。
杜詩。醉別騎馬歸。頗遭官長罵。一統志。洞庭湖在岳
州府巴陵縣西南。張仲言詩。南入洞庭隨雁去。秋興
賦。雁飄飄而南飛。

送王子彥南歸

前送子彥自注云。王以孝廉不仕
因事避吏將入都。此云子彥已

謁選得官需次未授蓋前詩自故里送子彥此詩于都門送子彥故有憂患妨高卧衰遲累遠行語也至子彥為增城令又在此詩以後國初按籍詮選不必其人在部也湖廣通志載此詩作送畢十臣還斬水非

得失歸時輩如君總不然共知三徑志早定十年前身

業先疇廢家風素德傳蕭條書一卷重上故鄉船

子彥未授

官而歸故多慰藉之詞三四亦十字句法也○後漢書竇章傳收進時輩甚得名譽高達夫詩此翁殊不然

三徑見遺閣

後漢書班固傳農服先疇之缺歛

家風見送杜敬武晉書王承傳素德清規足傳于汗簡矣

其二

吳詩集覽

卷九

下

六

一第雖無意名場技有餘解願匡鼎說運腕率更書材

已遭時棄官猶辱

詔除白頭纔一命需次復何如

原註

子彥已謁選得官需次未授

前半寫子彥才品後半惜其需次○一第見送純祐

早奮名場

漢書匡衡傳字稚圭東海承人也諸儒為之語曰無說詩匡鼎來匡說詩解人願服虔曰鼎猶言

當也張晏曰衡少時字鼎

續書譜不可以指運筆以腕運筆唐書歐陽詢傳字信本潭州臨湘人初做王羲

之書後險勁過之貞觀初歷太子率更令

後漢書馬融傳謂融羞薄詔除

子答方耕道畫今

史記孔子世家一命而僂

其三

茲需次暫得閒日

錯受塵途誤栖蚕半生中年存舊業雅志畢躬耕憂

患妨高卧衰遲累遠行與君嗟失路不獨爲無成後半篇以

自己伴說情文俱妙○荀仲豫申鑿衣裳服者不昧于塵途愛也宋喬年詩我亦惜花癡半生 中年見別

孚令舊業見闍園詩雅志見贈雪航躬耕見汲古閣歌高卧見退谷歌 衰遲見贈願雲師 漢書揚雄

傳當塗者升青雲失路者委溝壑易无成有終

其四

客裏逢中表登臨酒一杯好將身計拙留使後人材燈

火鄉園近風塵笑語開相攜孫入抱解喚阿翁來原註子彦

近得孫余之外孫也此首叙親戚之情語結更入妙

○中表見贈文園公登臨見送志行嵇叔夜絕交書

濁酒一杯彈琴一曲身計見送沈繹堂 材闕疑

禮君子抱孫不抱子爾雅女子子爲外孫周書陸騰

吳詩集覽卷九下

傳阿翁真得好壻程迓亭日子彦子天植即公壻

代州代州見雁門尚書行按梅村未至代州蓋遙賦之也

萬里無征戍三關却晏然河來非漢境雪積自堯年將

老空屯卧篋衍集作老將僧高絕漢還篋衍集作殘僧中原偏戰鬪此

地不爲邊三四工鍊○顏延年詩憔悴征戍勤 三關見送紀伯紫晏然見馨清湖序 一統志黃

河在太原府興縣西按代州屬太原府雍正二年升爲直隸州梅村作詩時仍隸太原司空表聖詩黃河却勝

天河水萬里縈紆入漢家一統志五臺山在代州五臺縣東南爲靈鷲峰今名菩薩頂東麓有萬年水九夏

不消桃李生水隙梁書白紵歌舜日堯年歡無極老將見遇南廂圍叟蘇子由詩兵散有空屯 一統志金

蘇陀室利中印度那蘭陀寺僧慕清涼文殊住處與弟子七人航海而來殞者三還者三惟蘇陀室利六載始

蓬臺山時年八十五矣季正已詩塵尾坐僧高漢書衛青傳軍絕幕注幕漫也程大昌北邊倫對幕者漢也言沙磧廣莫望之漠漠然也國語戰鬪直爲壯曲爲老文獻通考代州三百臨邊最爲險要

送穆苑先南還 此在京而送苑先也

遍欲商身計相逢話始真幸留殘歲伴忍作獨歸人年

遍愁中老家安夢裏貧與君謀共隱爲報故園春 梅村與苑

先同學至契故不作泛泛送別語遍欲商身計逢人即相商也曩括得送何省齋盛言推名位又責以宜退兩

段相逢話始真則歸重苑先矣而相逢字已逗出送字意三四幸其留怨其去也五六將自己與苑先合說從

殘歲伴獨歸人轉出七句點明共隱是真身計也八句有送字意在內○身計見送沈繹堂羅昭諫詩只此

留殘歲王詩萬里一歸人杜詩何得愁中却盡生張子壽詩所思如夢裏杜詩更起爲君謀姚居雲

吳詩集覽 卷九 下

八

詩共隱事應閒按末句兼用子美借問故園隱君子陸敬風聊贈一枝春意

其二

驟見疑還喜堪當我半歸路從今日近信果向來稀同

事交方散殘編道已非老親看慰甚坐久更沾衣 起句入神

驟見即就老親說○司空文明詩乍見翻疑夢古詩遠望可以當歸殘編見贈雪舫老親見別孚令

王詩坐久落花多沾衣見圓圓曲

其三

舍弟今年別臨分恰杪秋苦將前日淚重向故人流海

國愁安枕鄉田喜薄收相期裁數紙春雨便歸舟 從別孚令

起亦能入情○狂詩舍弟棲卑邑允辨觀抄秋之遙
夜兮狂詩叢菊兩開他日淚一統志太倉州境俱
東濱海漢書英布傳陛下安枕而卧矣范致能詩去
年薄收飯不足狂詩老妻書數紙應悉未歸情春
雨見送胡彥遠謝元
暉詩天際識歸舟

其四

庭樹書來長空階落葉黃酒乘今夜月夢遶一林霜客

過探松塢童饑偃石床因君謝猿鶴開我北山堂結到謀共

隱與首篇相應四首只如一首○石詩庭中有奇樹

何仲言詩夜雨滴空階壽桑之落矣其黃而隕今夜

月見謁劉公韋應物詩洞庭須待滿林霜狂牧之
詩晚酒眠松塢採寬詩饑童尚挈行石床見曇陽觀

人去兮曉猿驚宋蘭詩開我東閣門

吳詩集覽 卷九 下

九

送何蓉菴出守贛州何蓉菴見送何省齋贛州府志知府何應璜字宗玉桐城人官生順治十三年任願延年詩一麾乃出守

一統志贛州府在江西布政司西南一千二百里

想見征途便還家正早秋江聲連賜第帆影上浮邱兒

女貪成長親朋感去留無將故鄉夢不及石城頭此言因出

守而便道過家也司空文明詩無將故人酒不及石尤

風結句仿之○征途見送黃子羽還家見呈李太虛

江聲見歲暮送苑先晉書賀循傳賜第一區帆影
見過聞果師郭景純詩左挹浮邱袖杜詩兒女忽成
行成長見遣悶親朋見塗松晚發歸去來
籬榻不委心任去留石城頭見哭志行

郡閣登臨迴江湖已解兵百灘爭二水一嶺背孤城石

落蛟還鬪天清雁自橫新來賢太守官柳戰場生此首切定

贛州○一統志八境臺在贛州府東北城上贛州府志

宣明樓在鬱孤臺左宋嘉定丁丑建于甕城按贛有奎

文閣在舊府學內藏宋高宗御書者詩意似用八境臺

耳登臨見海戶曲沈雲卿詩頻年不解兵陳書高

祖紀南康贛石舊有二十四灘贛州府志舊傳有二十

四灘又云下十八灘又有六六灘之名蓋合上十八而

計之為六六三十六也然亦無定數一灘之中又有數

名不可勝指明史地理志贛南有崆峒山章貢二水夾

山左右經城之東西貢水一名東江自福建長汀縣流

入府界章水一名西江自湖廣宜章縣流入府界至城

北合流為贛江一統志贛蘭山在贛州府治西南隅

舊名文筆山頂即鬱孤臺其左綿亘為自家嶺石落

見天王寺杜詩蛟龍鬪不開淮南子天清地定趙承

祐詩殘星幾點雁橫塞太守賢見贈李秀州官柳

吳詩集覽 卷九 十

詳贈蘇崑生戰 傷見蟋蟀盆歌

按一統志彭期生官湖西兵備道與楊廷麟萬元吉

同守贛州城破縊死所謂江湖已解兵也順治五年

提督金聲桓副將王得仁反攻圍贛州石落蛟還鬪

應指此金震出江陵人順治三年分守嶺北道時

大兵甫定贛州居民十無一二震出加意撫綏劉

武元遼東人順治四年巡撫南贛殘黎漸次安集張

鳳儀遼東人順治四年分巡嶺北金聲桓圍贛與巡

撫劉武元總兵胡有陞竭力守禦一郡獲全天清雁

其三

三載為郎久棲遲共一貧師恩衰境負友道客途真世

德推醇謹鄉心入隱淪蕭條何水部未肯受風塵此首從世

講生情不脫送字意。○史記馮唐傳父老何自為郎。杜詩蘊藉為郎久。王少伯詩不負信陵恩。師見送何省齋。季詩友道孰云喪。詩世德作求。史記衛綰傳醇謹無他。鄉心見送何省齋。杜詩行歌非隱淪。水部見雕橋莊歌。世說王戎云太尉自是風塵外物。

其四

弱息憐還幼扶持有大家高門雖宦跡遠嫁况天涯小

字裁魚素長亭響鹿車白頭雙淚在相送日將斜此首就息

女說人情故妙。○兩史周盤龍傳王成買曰小人弱息當得一子。狡詩意猶云弱女也。舌詩汝是大家子。

高門兄彈琴歌李于鱗詩天涯宦跡左遷多。漢書張禹傳愛女甚於男遠嫁為張掖太守蕭咸妻不勝父子私情天涯見送何省齋。小字見永和宮詞舌詩呼兒烹鯉魚中有尺素書。百帖十里長亭五里一短亭。

吳詩集覽 卷九 下

鹿車見遺悶。按此兼用後漢書列女傳桓少君事。張承古詩雙淚落君前。錢仲文詩前路日將斜。

猿

本草綱目小而尾短者猴也似猴而多鬚者猢也似猴而大者獼也大而尾長赤目者禺也小而尾長仰鼻者狻也似狻而大者果然也似狻而小者蒙頰也似狻而善躍越者獼也似猴而長臂者猿也似猿而金尾者狻也似猿而大能食猿猴者獨也。

得食驚心裏逢人屢顧中側身探老樹長臂引秋風傲

弄忘形便羈棲抵掌工忽如思父子回叫故山空此首咏物

形容人妙前四句更為傳神妙品。○杜詩恨別鳥驚心

詩屢顧爾僕側身見送何省齋老樹見雕橋莊歌

爾雅翼猿所以壽者以長臂好引其氣也。漢書東

方朔傳皆傲弄無所為屈莊子故養志者忘形。羈栖

見送杜崱武戰國策抵掌而前。吳都賦猿

父哀吟獐子長嘯。應德璉詩日暮歸故山

橐駝 橐駝見 鐵獅歌

獨任三軍苦安西萬里行鑄銅疑鶴頸和角廢驢鳴山

負祁連重泉知鄯善清可憐終後載汗血擅功名雅令之作

首尾相應○山海經陽光之山其獸多橐駝善行流沙

中日三百里負千斤杜詩安西都護胡青驄又萬里

可橫行洛陽記漢鑄銅駝二枚在宮西四會道頭夾

路相對張道濟詩鶴頸抽長柄按李洞有移軍駝頭夾

角之句然詩意似與鳴角之聲相和耳俟考世說王仲

宣好驢鳴祁連見楚兩生行一統志祁連山在甘州

府張掖縣西南前漢書西域傳鄯善國本名樓蘭王

民隨畜牧逐水草有驢馬多橐駝博物志傲煌西渡流

沙千餘里中無水皆乘橐駝知水脈遇其處停不肯行

以足踏地人於蹋處掘之得水一統志鄯善國在沙州

衛西詩命彼後車謂之

載之汗血見行路難

吳詩集覽 卷九 下

象

神象何年至傳聞自戰場齒能齊玉德性不受金劔白

足跏趺坐黃門拜舞行越人歸駕馭未許鼻亭狂工巧之作

牛

首尾亦能相應○象戰見題洗象圖戰場見送何蓉菴

詩元龜象齒禮晉君子比德于玉焉 珥雅服馴巨

象以小斧刃斲之其金瘡見星月即合白足見訪文

學博脚踏坐見謝蒼雪注初學記晉諸公贊晉時南

越致馴象于臯澤中養之黃門鼓吹數十人令越人騎

之每正朝大會皆入充庭萬歲書咸康六年臨邑王獻

象一知跪拜杜詩駕馭必英雄 柳子厚道州段鼻

亭神記鼻亭神象祠也按首句神象字亦借用此 黃魯

直鷓鴣詩鷓鴣應是鼻亭公山

堂肆考象封有庫故云庫亭公

山

瑩角偏轅快奔蹄伏軛窮賣刀耕隴上執靽犒軍中游

刃庖丁技扶犁田父功 君王思爾栗座右置豳風原註

時頌戒殺牛文 工鍊之作 劉孝威青牛畫贊 朗陵瑩角介葛瞻聲 晉書石崇傳 牛本不遲良由御者逐不及反制之可聽 踰轅則駛矣 按 偏應作踰 字 曲 踰 讀若

偏 魏文帝與曹洪書 田單聘奔牛之誑 古詩 牽牛不負軛 漢書龔遂傳 令賣劍買牛 賣刀買犢 又 陳勝傳 輟耕之壟上 禮 凡獻牛者執靽 左傳 僖三十三年 鄭

商人弦高以乘韋先牛十二犒師 莊子 庖丁為文惠君解牛 恢恢乎其於游刃必有餘地矣 陸務觀詩 投

老慣扶犁 漢書項籍傳 問一田父 禮 祭天地之牛角 爾栗後 漢書趙憲傳 更始笑曰 爾栗犢豈能負重致遠

乎 注 犢角如爾栗言 小也 豳風 見官扇

蒲萄 蒲萄見海戶曲

吳詩集覽 卷九下 三

百斛明珠富清陰翠幕張曉懸愁欲墜露滴愛先嘗色

映金盤果香流玉椀漿不勞慈嶺使常得進君王三四人妙

○張文昌詩 西江佑客珠百斛 陳伯玉餞齊少府序 參差池榭亂山水之清陰 梁簡文帝詩 林芳翠幕懸

王介甫梅花詩 鬢髮黃金危欲墜 本草綱目 引魏文帝詔曰 蒲桃當夏未涉 秋尚有餘暑 醉酒宿醒 掩露而

食 南史 劉穆之 傳 冷厨人以金盤貯檳榔一斛 以進之 李詩 玉碗盛來琥珀光 漢書西域傳 西則限以

慈嶺而張騫始開西域之迹 又大宛國傳 漢使采蒲陶 目宿種歸天子 以天馬多 又外國使來 衆益種蒲陶 目

宿離宮館 勞極望焉

石榴 石榴見宮扇

五月華林宴榴花入眼來百株當戶牖萬火照樓臺絳

帳垂羅袖紅房出粉腮江南逢巧笑齟齬向人開原註江南

石榴多裂北方獨否工整之作。華林見海戶曲注

韓詩五月榴花照眼明 百株見蔡清湖祖詠詩南

山當戶牖王光庭詩旌旃萬火紅椰子厚詩海榴開

似火百詩燈火下樓臺 絳帳見贈馮諠生潘正叔石

榴賦擢纖手兮舒皓腕羅袖靡兮流芳散 北史魏收

傳石榴房中多子方雄飛詩葉墮殷殷賦粉頰 後漢

書梁龔傳注 齟齬笑者若齒痛唐

韻齟齬音踣 蜀都賦石榴競裂

蘋婆羣芳譜李一名頻婆樹與葉皆

似林檎而稍大蘋果見海戶曲

漢苑收名果如君滿玉盤幾年沙海使移入上林看對

酒花仍艷經霜實未殘茂陵消渴甚飽食勝加餐三四

最用意當于言外得之。張道濟詩漢苑佳遊地西京

襍記初修上林苑羣臣遠方各獻名果異樹 玉盤見

吳詩集覽 卷九下

海戶曲王仲寶詩轉葉度沙海 西京襍記上林苑

紫柰大如升核紫花青其汁如漆著衣不可脫名脂衣

柰此皆異種也對酒見讚佛詩 狂詩老樹飽經霜

史記司馬相如傳常有消渴疾既病免家居茂陵

古詩努力

加餐飯

文官果羣芳譜文官果 仁如馬檳榔

近世誰來尚何因擅此名小心冰骨細虛體綠袍輕味

以經嘗淡香從入手清時珍誇象口殺核太縱橫用側

不肯沾煞句下。蘇詩茗飲出近世 何因見遇劉雪

舫百詩詞賦擅名來已久 嵇叔夜絕交書以促中小

心之性揚大年詩論仙冰骨照人清 百詩燈下紅裙

間緣袍容難 天味必淡 楊誠齋詩入手知價重

生淡詩蘭羞倫時珍蘇詩酸醎不堪調象口使

君風味好攢眉詩殺核維旅縱橫見哭志行

清濁看都淨長安喚買冰見來消易待欲問價偏增潔

自盤中顯涼因酒後勝若求調燮理坐上去青蠅用事脫化

不露痕迹結更入妙唐太宗詩清濁必能澄季長

吉詩買水防夏蠅天寶遺事或勸進士張彖謁楊國忠曰見之富貴可立圖象曰君輩倚楊右相如泰山吾

以為水山耳若皎日既出得無失所望乎唐書陸贄傳增價以市所無裕遺記董偃常以玉精為盥貯水

於膝前玉精與水同其潔澈報孫會宗書酒後耳熱

傳厲王信讒大夫憂之賦青蠅詩

南苑春蒐應制南苑見海戶曲注左傳隱五年春蒐師古漢書注天子之命制

書應制見吾谷行五

吳詩集覽卷九下

詔闈期門旅饒歌起上林風雲開步伍草木壯登臨

天子三驅禮將軍百戰心割鮮親讌罷告語主恩

深此首層次分明與七律五七言絕句之同題者皆一時作也期門見殿上行吾今樂錄漢鼓吹鐃歌

十八曲上林見海戶曲致誓不愆于六步七步乃止

齊焉天全呂氏曰大司馬之法伍兩卒旅各有其長使

臨見送志行易疏三驅之禮三面著人驅禽也本義

天子不合圍故開一面之網用三驅也劉文房詩當

時百戰心割鮮見海戶曲主恩深見壽龔芝麓

送田髡淵孝廉南還

梅村田髡淵詩序田子名茂

沈歸愚師曰髡淵

客路論投分三年便已深每尋蕭寺約共話故園心遠

水明浮棹疎村響急砧灞亭橋畔柳恰爲兩人陰

前半寫交

情後半寫送字

○潘安仁詩投分寄石友

蕭寺見楚

兩生序 遠水見送穆苑先 狂詩白帝城高急暮砧

其二

窮老無相識如君得數過祇貪懷抱盡其奈別離多晝

靜堪攤卷江寬足放歌勝游佳絕處回首隔關河

此與前首

畧同但前首後半是初送髯淵時此首後半詠髯淵南

歸後耳○窮老見遇南廂園叟左傳襄二十九年吳公

子札聘于鄭見子產如舊相識 狂詩可憐懷抱向人

盡 王之渙詩應爲別離多 狂詩安九成宮頌烟閣

夜謚雲房書靜社詩攤書解荷林 狂詩白首放歌須

縱酒 百詩勝遊從此始蘇詩環城三十里處處皆佳

其三

拂袖非長策蹉跎爲老親還家仍作客不仕却依人勝

識酬知己竒懷答鬼神鏡湖千丈月莫染雒陽塵

此首言髯

淵爲客之由末句見古道交○拂袖見後東臯歌長策

見松鼠 蹉跎見送何省齋老親見別字令 還家見

呈李太虛 依人見遇劉雪舫 漢書景帝紀朕旣不

敬弗能勝識 竒懷見初春夜坐拔答鬼神疑用賈生

其四

事社詩但覺高歌有鬼神 復齋漫錄會稽鑑湖避廟

諱改爲鏡湖輿地志云王逸少云山陰路上行如在鏡

中遊名鏡始是耳 一統志在山陰縣南三里

冥叔岸詩水中千丈月 雒陽塵見雒陽行

浪跡存吾道風流獨有君羣公雖走幣狂客自掄文樽

酒堪呼月雙峰看出雲可憐滄海上宋玉正參軍此言鬚淵

文酒之興末句宋玉蓋鬚淵之友○浪跡見楚兩生行

序狂詩用拙存吾道文通報袁叔明書雖五侯交書

羣公走幣僕亦在南山之南矣狂詩四明有狂客唐

書劉廸傳文部始掄才終授位蘇子卿詩我有一樽

酒范致能詩臺前呼月海光浮二統志橫雲山在雙

縣西北松江府志又東為小橫山與橫雲接隴而中介

一水按婁縣與華亭俱附郭雙峰應指此易山川出雲

軍應德璉詩晨夜赴滄海宋玉見宮扇參軍見臨江

偶見

挾彈打文鵝翻身馬注坡輕鞭過易水大雪滿滹沱錦

吳詩集覽卷九下七

帽垂青鼠銀罌出紫駝少時從出塞十五便橫戈此與七古

之雪中遇獵應一時作○挾彈見殿上行杜詩翻身

向天仰射雲蘇子由云少陵哀江頭詞氣如百金戰馬

注坡驀澗如履平地易水見琵琶行滹沱見遇劉

雪筋北史于闐國傳其王練錦帽金鼠冠又室韋傳

室韋國在勿吉北千里人以捕貂為業多貂及青鼠

杜詩翠管銀罌下九霄又紫駝之峯出翠釜出塞見

送杜炭武杜詩或從十

五北防河又雜虜橫戈數

送詹司理之官濟南原註詹楚人余所得士湖

第二名詹謹之黃岡人推官又謹之字仲庸濟

南推官吏記循吏傳李離者晉文公之理也正

義旦理獄官也按司理推官亦作司李一統志

匹馬指營邱風清肅爽鳩齊言盈萬戶楚客長諸侯梅

發江關信松高日觀秋故人慚鮑叔相送話東游三四

最工

後半寫送字○匹馬見蕩子行漢書地理志臨淄名營

邱故齊詩日子之營兮左傳昭十七年鄭子曰爽鳩氏司寇也漢書高五王傳諸民能齊言者皆予齊戰

國策蘇秦說齊宣王曰臨淄之中七萬戶楚客見楚

兩生行按楚客長諸侯暗用史記當時楚兵冠諸侯語

也儲光義詩今之太守古諸侯陸敬風詩折花逢驛

使寄與隴頭人江南無所有聊贈一枝春王詩已見寒

梅發江關見贈陸生一統志泰山在泰安府北五里

東山名曰觀日觀者雞一鳴時見日始欲出小天門有

秦五大夫松史記管晏傳吾始困時嘗與鮑叔賈分

財利多自與鮑叔不以我為貪知我貧也

杜詩多慚鮑叔知東游見夜宿阜昌

抱去纔周昨應難記別時信來偏早慧似解識京師書

吳詩集覽

卷九下

六

到遲回問人前含吐詞可憐汝母病臨絕話相思親切有味

首尾相應○說文醉周年也類篇子生一歲也古詩

但感別經時北史王絳傳侯景奇其早慧公羊傳

京師者何眾大也杜詩書到汝為人孟詩林下

莫遲回洛神賦含詞未吐古詩上言長相思

張如哉日一句對三句二句對四句是扇對格又一三五七句尾皆用去聲字而醉慧字同韻問病字同聲蓋故作狡獪也

送程太史翼蒼謫姑蘇學博梅村程翼蒼詩序新安程翼蒼館丈以道

尊於吾吳為士子師顧茂倫驪珠集程邑字幼

洪號翼蒼上元人蘇州府志翼蒼江寧人順治

壬辰進士選庶吉士十三年出為蘇州教授陞國子助教書太史尹伯庶常吉士如蘇見磬清湖學博見閩州行

道重何妨謫官輕却便歸程門晴雪迴吳市暮山微舊

俗苙歌在前賢文字非即今崇政殿寥落侍臣衣此詩之妙

在於切題題內無一字放過也○唐書張說傳宴集賢院故事官重者先飲說曰吾聞儒以道相高不以官闊為先
宋史道學傳楊時字中立南劍將樂人見程頤於洛頤偶瞑坐時與游酢侍立不去頤既覺則門外雪深一尺矣杜詩晴雪落長松
越絕書吳市者春申君所造闕兩城以為市在湖里秣君復詩竹烟橫黠海山微
舊俗見新都前賢見讀西臺記文字見廿五日詩
宋史道學傳程子字正叔召為秘書省校書郎既入見擢崇政殿說書
寥落見楚兩生行宋延清詩花落侍臣衣

送郭宮贊次庵謫官山西山西通志陽和兵倫道郭一鶚河南洛陽人進

士順治十三年任河南府志順治己丑進士郭一鶚廣東布政使授宮僚外轉故云謫官謫宦

吳詩集覽卷九下

十九

見送沈旭輪

薄宦知何恨秋風刷羽毛因沾太行雪憶賜未央袍問

俗壺關老籌邊馬邑豪爭傳郭有道名姓壓詞曹此與前首

同妙從謫宦起三句山西四句宮贊五六謫宦山西結句是郭宮贊也與前首送字俱暗寫○薄宦見送張孺

高杜詩何恨倚山木
梁元帝懷舊賦序長安郡公為其延譽扶風長者刷其羽毛
曹孟德詩北上太行山

又雪落何霏霏
張如哉曰王少伯詩未央殿月輪高簾外春寒賜錦袍此借用
禮入國而問俗漢書戾

太子傳壺關三老茂上書師古曰壺關上黨之縣也晉

悅漢紀云令狐茂
唐書李德裕傳建籌邊樓馬邑豪

見送馮訥生
後漢書郭太傳蔡邕謂涿郡盧植曰吾為碑銘多矣皆有慙德惟郭有道無愧色耳
唐詩紀

事杜審言謂宋之問武平一曰吾在

久壓公等高達夫詩星使出詞曹

送純祐兄之官確山

純祐確山見贈穆大苑先

五十猶卑宦栖栖在此行官從鵝炙貴客向馬蹄輕風

俗高持論山川喜罷兵清時人物重縣小足知名

起結送純

祐之官中四句就確山說○高達夫詩末宦從周防左傳僖五年在此行也南史庾悅傳劉毅家在京口

酷貧口身今年未得子鶯豈能以殘炙見惠王詩雪盡馬蹄輕後漢書許劭傳好共覈論鄉黨人物每月

輒更其品題故汝南俗有月旦評焉漢書儒林傳董仲舒能持論史記魯連傳秦必喜罷兵去季少卿答

蘇武書策名清時漢書薛宣傳粟邑縣小僻在山中知名見遇姜給事

其二

絕有明湖勝青山屬蔡州曾為釣臺客今作朗陵侯定

吳詩集覽

卷九下

三

訪袁安卧須從叔度游政閒人吏散廳壁掃丹邱

從確山起

三四純祐之確山也五六引古結到之官○李詩明湖落天鏡一統志汝寧府周為蔡及房沈道稱諸園

地漢置汝南郡隋大業二年改為蔡州張如哉曰釣臺客指為浙中藩幕也一統志朗陵故城在確山縣

西南三十五里後漢書袁安傳字邵公汝南汝陽人也注大雪積地丈餘洛陽令出案行見人家皆除雪至

袁安門獨無行路除雪入戶見安僵卧又黃憲傳字叔度汝南慎陽人也穎川荀淑至慎陽遇憲於逆旅與

語移日不能去季頊詩為政心閒物自閒人吏見送何省齋廳壁見送沈旭輪甃辭仍羽人於丹邱兮留

不死之舊鄉

其三

懸瓠城西路關山雪夜刀至今勞戰伐何日剪蓬蒿地

瘠軍租少官輕客將豪相逢蔡父老閒說漢功曹引古映合

時事非泛填汝寧志者後半歸到之官○一統志古懸瓠城卽今汝寧府治本漢上蔡縣地晉時謂之懸瓠城

唐書李愬傳討吳元濟從事鄭澥見裴度告師期夜半至懸瓠城雪甚城旁皆鷺鷥池愬令擊之以亂軍聲

黎明雪止愬入駐元濟外門蔡吏驚曰城陷矣戰伐兒觀通天帖蓬蒿見雁門尚書行國語瘠土之民

思善陳伯玉詩空懷老臣策未獲趙軍租五代史後蜀世家安重誨復以客省使李嚴爲監軍及嚴至知祥

置酒召嚴因責之曰客將王彥鈿執嚴下父老見贈雪航元詩閒坐說元宗後漢書袁安傳初爲縣功曹

又范滂傳太守宗資先聞其名請署功曹又許劭傳初爲郡功曹按安滂劭皆汝南人也

一統志許應鯤襄城人順治十年知汝陽縣是冬大兵征楚牧馬汝寧勢且入城內百姓驚恐應鯤

往力爭以受侮自經兵將亦遂拔營去按至今勞戰伐官輕客將豪應指此而梅村贈穆大苑先詩傷心

吳詩集覽 卷九下

惟悴朗陵侯征蹄奔命無朝暮身親芻秣養驛驢供頓三軍尚噴怒赤日黃埃伏道旁鞭梢拂面將誰訴

應亦指牧馬汝寧時事也水經注汝水東經懸瓠城北元和志汝水屈曲形若垂瓠故城取名焉按後漢書方術傳費長房者汝南人也市中有老翁賣藥

懸一壺於肆頭及市罷輒跳入壺中此事在晉以前疑瓠字乃壺字之訛耳汝水如瓠何云懸乎

其四

落日龍陂望西風動黍禾歸人淮右近名士汝南多河

上孤城迴天中萬馬過一官凋瘵後兄弟意如何從確山時

事說到之官結句點明兄字○龍陂見龍腹竹歌


漳詩秋風動黍禾歸人見送穆苑先一統志淮水自南陽府桐柏縣流入汝寧府經信陽州北又東經正陽縣南羅山縣北又東入光州息縣界韓有平淮西碑

杜詩濟南名士多唐書藝文志汝南先賢傳五卷詩
河上乎翱翔一統志溱水源自南陽府桐柏山流入確
山縣境一名沙河流至汝陽縣東南入汝水一統志
天中山在汝陽縣北三里萬馬見雁門尚書行一官
見哭志行不元虛海賦爲洞
爲瘵杜詩君子意如何

吳詩集覽

卷九下

廿三



見哭志行不元虛海賦爲洞
爲瘵杜詩君子意如何
天中山在汝陽縣北三里萬馬見雁門尚書行一官
見哭志行不元虛海賦爲洞
爲瘵杜詩君子意如何

